

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj: 05/2-45-767-11/25
Dubrave Gornje, 08.08.2025. godine

Na osnovu člana 69. stav (2) tačka a) i člana 70. stav (4) Zakona o javnim nabavkama BiH („Službeni glasnik Bosne i Hercegovine broj: 39/14, 59/22 i 50/24) i člana 42. Statuta Javnog preduzeća „Međunarodni aerodrom“ Tuzla d.o.o. („Službene novine TK“ broj: 1/17, 9/17, 11/19, 16/21 i 18/21), u ime uprave Javnog preduzeća, direktor JP „Međunarodni aerodrom Tuzla“ d.o.o., d o n o s i:

ODLUKU
o poništenju postupka javne nabavke usluge održavanja KGH sistema (klimatizacija, grijanje i hlađenje)

I

Poništava se postupak javne nabavke usluga održavanja KGH sistema (klimatizacija, grijanje i hlađenje) proveden putem konkurentskog zahtjeva za dostavljanje ponuda, pokrenutog Odlukom o pokretanju broj: 05/2-45-767/25 od 11.07.2025. godine, obavještenje na web portalu javnih nabavki broj: 527-7-2-127/25.

II

Poništava se odluka Odluka o izboru najpovoljnijeg ponuđača broj: 05/2-45-767-8/25 od 25.07.2025. godine donijete u postupku javne nabavke usluge održavanja KGH sistema (klimatizacija, grijanje i hlađenje).

III

Ova odluka objavit će se na web-stranici www.tuzla-airport.ba, shodno članu 70. stav (6) Zakona o javnim nabavkama.

IV

Ova odluka stupa na snagu danom donošenja, u skladu sa članom 71. stav (2) Zakona o javnim nabavkama, a obrazloženje je njen sastavni dio.

PRAVNA POUKA: Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno putem protokola ili preporučeno poštanskom pošiljkom.

Dostavljeno:
2 x Ponuđači
1 x Evidencija
1 x a/a



DIREKTOR

Halil Halilčević
Dževad Halilčević

Obrazloženje

U postupku javne nabavke usluga održavanja KGH sistema (klimatizacija, grijanje i hlađenje) putem konkurentskog zahtjeva za dostavljanje ponuda, pokrenutog Odlukom o pokretanju postupka broj: 05/2-45-767/25 od 11.07.2025. godine, rok za dostavljanje ponuda bio je 21.07.2025. godine do 09:00 sati, te na javnom otvaranju ponuda održanom dana 21.07.2025. godine u 09:30 sati, u prostorijama JP „Međunarodni aerodrom Tuzla“ d.o.o., Komisija imenovana Rješenjem broj: 05/2-45-767-1/25 od 11.07.2025. godine je konstatovala da su blagovremeno pristigle dvije ponude, a što je konstantovano zapisnikom sa otvaranju ponuda broj: 05/2-45-767-6/25 od 21.07.2025. godine.

Komisija je izvršila pregled i ocjenu dostavljenih ponuda, a što je dokumentovano zapisnikom o pregledu i ocjeni ponuda broj: 05/2-45-767-7/25 od 25.07.2025. godine.

Komisija je utvrdila da ponuda ponuđača „Global logistic“ d.o.o. Banja Luka ispunjava uslove koji su postavljeni predmetnom tenderskom dokumentacijom, te je predmetnu ponudu ocjenila prihvatljivom.

Uvidom u ponudu ponuđača „Telix“ d.o.o. Tuzla, komisija je utvrdila da je ponuđač u pogledu ispunjavanja uslova o tehničkoj i profesionalnoj sposobnosti dostavio spisak izvršnih ugovora, ali ne i potvrdu kojom dokazuje da ima najmanje jedan uspješnom realizovan ugovor. S tim u vezi komisija je predmetnu ponudu ocjenila neprihvatljivom.

Komisija je jednoglasno konstantovala da postoje uslovi za izbor najpovoljnijeg ponuđača, te je predložila Upravi ugovornog organa da prihvati ponudu ponuđača „Global logistic“ d.o.o. Banja Luka i da donese Odluku o izboru najpovoljnijeg ponuđača.

Uprava ugovornog organa je dana 25.07.2025. godine donijela Odluku o izboru najpovoljnijeg ponuđača broj: 05/2-45-767-8/25 i ugovor o nabavci usluge održavanja KGH sistema (klimatizacija, grijanje i hlađenje) dodjela ponuđaču „Global logistic“ d.o.o. Banja Luka.

Dana 25.07.2025. godine aktom broj: 05/2-45-767-9/25 zatraženo je od izabranog ponuđača da u svrhu dokazivanja lične sposobnosti dostavi dokaze koji su traženi tačkom 8.1. tenderske dokumentacije. Tražene dokaze izabrani ponuđač je dostavio dana 07.08.2025. godine.

Uvidom u dostavljenu dokumentaciju tačnije Uvjerenje izdato od strane Uprave za indirektno-neizravno oprezivanje, Regionalni centar Banja Luka, utvrđeno je da izabrani ponuđač na dan 06.06.2025. godine ima dug na ime dospjeli, a neizmirenih obaveza po osnovu direktnih poreza i ostalih prihoda i taksi.

Predmetnom tenderskom dokumentacijom definisano je da su ponuđači dužni u svrhu dokazivanja uslova iz člana 45. Zakona o javnim nabavkama BiH dostaviti izjavu popunjenu i ovjerenu kod nadležnog organa, a izabrani ponuđač kojem bude dodijeljen ugovor dužan je u svrhu dokazivanja činjenica navedenih u datoj izjavi dostaviti original ili ovjerene kopije dokaza koji moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom, u suprotnom smatrat će se da je dao lažnu izjavu. Takođe dokazi koji se dostavljaju ne mogu biti stariji od 3 mjeseca računajući od momenta predaje ponude.

Obzirom da izabrani ponuđač u trenutku podnošenja ponude nije ispunjavao uslove koji su postavljeni tenderskom dokumentacijom, Ugovorni organ je odlučio da poništi Odluku o izboru najpovoljnijeg ponuđača broj: 05/2-45-767-8/25, kao i da poništi cjelokupni postupak predmetne javne nabavke obzirom da nijedna dostavljena ponuda nije prihvatljiva.